

歷代名儒傳卷之七

高安朱熹

全訂

漳浦蔡世遠

安溪李清植分纂

宋

蔡元定

蔡元定字季通建陽人在娠時父牧堂老人發設聖賢遺像於別室使妻詹氏日往瞻仰而生元定少穎異十歲日記千百言牧堂授以二程張邵之書曰此孔孟正

脉也。元定深涵其義。比長。辨析益精。聞朱子倡學。往師之。朱子叩所學。驚曰。吾老友也。凡性道之要。他弟子不得聞者。必以語元定。諸經奧義。多先令考究。而後折衷之。每對榻講論。或至通夕。不暇假寐。嘗語人以造化微妙。惟深於理者識之。吾與季通言而不厭也。因自輯所與元定問荅者。號翁季錄。元定之事朱子也久。義理本原。心通意解。尤長於天文地理樂律曆數兵陣之說。凡書盤錯肯綮。不可以句者。元定剖析爬梳。無不暢達。朱子稱曰。人讀易書難。季通讀難書易。諸從朱子游者。過

建陽必謁元定。聽其言論。不忍去。淳熙十五年。尤袤楊
萬里薦諸朝。召之。以疾辭。築室西山。將老焉。後韓侂胄
擅政。設僞學之禁。臺諫承風排擊。元定自知不免。及沈
繼祖劉三傑連疏詆朱子。遂逮元定。謫春陵。元定聞逮。
不辭家而行。朱子偕從游數百人。餞之蕭寺。元定至。寒
暄外。無嗟勞語。論參同疑義。意象灑然。酒旣行。坐者咸
感歎唏噓。或至泣下。朱子微視元定。不異平時。喟然曰。
友朋相愛之情。季通不挫之志。可謂兩得矣。元定於坐
作詩曰。握手笑相別。無爲兒女悲。遂與子沈徒步三千

里赴謫所。踵盡流血。既至。父子相對。以義理自怡。浩然無湘纍楚囚之狀。遠近來學者日衆。有一生。素挾才簡傲。亦心服。執弟子禮。人爲語曰。初不敬。今納命。或勸以謝遣生徒者。元定曰。彼以學來。何忍拒之。苟有禍患。非閉戶所能避也。一日謂沈曰。可謝客。吾將安靜以還造化舊物。閱九日。移寢正室。牖間有聲若墜石者再。頃之而逝。慶元四年八月九日也。年六十四。沈護喪歸。比葬。朱子誄之。稱爲亡友。西山先生云。元定以孝弟忠信。儀刑於家。在春陵時。移書誠子曰。獨寢不媿衾。獨行不媿

影。每言朱子立教。先訓詁文義。下學而上達。然世衰道微。邪說交作。學者非知本原。未必不惑於異端。故其教人。以性與天道爲先。自本而支。自原而流。聞者莫不興起。侂冑旣誅。贈廸功郎。謚文節。所著書十餘種。律呂陣圖之書。尤爲朱子所歎重。朱子之注四書。及易本義。詩傳通鑑綱目。皆與參訂。啟蒙之編。則元定所起橐也。

論曰。僞學之禍。間有更名他師。自別非黨者。獨蔡元定。呂祖儉。蹈難如飴。烈已。元定之在謫。僅期年耳。使選懦濡涖。以脫於禍。亦不過期年便安。孰與名光天

黃榦

黃榦字直卿福州閩縣人父瑀以篤行直道高宗時爲監察御史瑀沒榦往見臨江劉清之清之奇之命受業朱子時方大雪榦曰母卽行遂從學焉榦夜不設榻不解帶厲學達曙朱子歎其堅苦以女妻之甯宗卽位朱子奏授榦將仕郎而銓中授爲廸功郎監台州酒務丁母憂廬於墓從之講學者甚衆及朱子編禮書喪祭二編獨以屬榦朱子病革書與訣遺以深衣及所著書曰吾道之托在此吾無憾矣榦執心喪三年畢調監嘉興

府石門酒庫。吳獵出帥湖北。敬榦名德。辟爲安撫司。激賞酒庫。遷知臨川縣。歲旱。勸糶捕蝗。極盡心力。調新淦縣。吏民習知臨川之政。不令而行。差判安豐軍。淮西帥司檄鞠和州疑獄。榦釋囚飲食之。委曲審問。未得其情。一夜感夢。乃旦呼囚詰曰。汝殺人投諸井耶。何得欺我。囚驚服。尋知尋陽軍。重庠序。先教養。卽郡治後建祠。以祀周程游朱四先生。別爲屋以館四方士。值歲饑。荒政具舉。旁郡饑民襁至。惠撫均一。民大感悅。以病丐祠。主管武夷冲祐觀。尋起知安慶府。至則金人破光山。民情

震恐。榦爲戰守備。請城安慶。不俟朝報。卽日興工。分城爲十二料。先自築一料。然後使官吏寓公士人分料主之。悉準其一料之費。計田出役。力均費省。番休遞代。整有成法。每五鼓坐堂上。先授濠砦官以一日成算。然後治府事。理民訟。閱士卒。會賓佐。已則巡視城役。比晚猶至書院。爲學者講論經史。後二年。金人破黃州沙窩諸關。淮東西皆震。獨安慶屹然安堵。繼而霖潦餘月。大水暴至。城卒無虞。士民喜相謂曰。不殘於寇。不淹於水。生我者黃父也。制置李珣辟參議。再辭。旣而朝命改知和

州。令先赴珏稟議。榘詣珏。珏方視師維揚。卽與偕行。榘
爲畫禦敵計。珏不能用。其時珏幕多輕儇士。將裨離心。
而珏張宴無虛日。榘復諫珏。且請整旅以固蘄黃。爲江
南障。不聽。遂力丐去。其後蘄黃失守。果如榘言。再命知
安慶。不就。入廬山訪李燔陳宓。相與盤旋玉淵三峽間。
俛仰朱子舊跡。講乾坤二卦於白鹿書院。山南北之士
皆集。未幾。召赴行在奏事。除大理丞。不拜。初。榘入荆湖
幕府。奔走諸關。豪傑往往願依榘。後倅安豐。守漢陽安
慶。聲聞益著。長淮軍民翕然心嚮。在位者多忌之。比入

見又慮直言邊事悟上心。於是羣起擠之。遂罷歸。榦涵養既久。自得益深。一時出朱門號高第者至衆。獨榦強毅有立。足任負荷。既歸。弟子益進。往來質疑請益。如朱子時。俄命知湖州。辭。主管亳州明道宮。踰月致仕。沒後數年。贈朝奉郎。與一子下州文學。諡文肅。學者稱勉齋先生。有書說論語通釋。論語意原及文集行於世。

論曰。自古名儒之興。必有名臣爲之佐佑揚顯。傳緒而表微者。則及門也。程張之時。名臣薦達。有呂公著。司馬光諸人。及門游楊尹謝。其最著也。朱子同朝。名

臣如彭龜年趙汝愚皆廣爲揚譽。及門黃陳李蔡其最著也。程門尚有朱光庭等。著聲臺諫。登高而呼。朱門則鮮位於朝者。時使然也。榦之學。歷金華四子。而其緒有光。蓋其根深而源遠矣。

李燔

李燔字敬予南康建昌人紹熙元年成進士授岳州教授未上往謁朱子朱子告以曾子弘毅之指曰致遠固以毅任重貴乎弘也燔退以弘名其齋至岳州教士不因時尚且曰古之通材文武兼焉乃闢射圃使習射廩老將善射者以教之以承重解官歸旣闕改襄陽教授復謁朱子朱子稱之曰燔進學可畏而直諒樸實處事不苟它日任斯道者必燔也凡諸生未達者令先訪燔俟有所發乃爲折衷諸生畏服朱子沒將葬學禁方厲

鮮敢會葬者。燔獨往視封窆不少怵。及詔訪遺逸。九江守以燔名聞。召赴都堂。再辭。郡守聘爲白鹿書院長。諸生雲集。講學之盛無與比。除大理司直。辭。尋添差江西運司幹辦公事。會洞寇亂。帥漕議平之。燔曰。寇非吾民耶。豈必皆惡。然而爲寇。則有司貪刻。將校邀功者激之耳。反是而行。則皆民矣。帥漕然之。問誰可行者。燔自請往。乃駐兵萬安。易置近洞隅保之。尤無良者。馳辨士諭以逆順禍福。寇皆帖服。洪州地下。異時贛江漲而堤壞。久雨輒澇。燔白漕帥葺之。自是田皆沃壤。改潭州通判。

辭不許。真德秀帥長沙。府事悉以咨燾。未數月。甯宗崩。史彌遠以擁立功。益當國柄用。燾慨然告歸。遂不復出。德秀及魏了翁薦之。差權通判隆興府。辭。江西帥魏大有辟充參議官。又辭。乃以直祕閣予祠。燾居閒。念無以報國。乃薦德秀了翁及崔與之洪咨夔陳宓等於朝。紹定五年。上論當世高士。李心傳以燾對。曰。燾朱熹高第。經術行義。亞黃榦。當今海內一人而已。陛下誠強起之。以寘講筵。必能裨助聖學。上雖然之。而終不召也。年七十卒。諡文定。燾嘗言。凡人功業。不必仕宦。隨分及物。卽

功業矣。又言仕宦至卿相。不可失寒素體。君子無入不自得。正以磨挫驕奢。不至居移氣養移體。因誦古語曰。分之所在。一毫攀躋不上。善處者退一步耳。故燔處貧賤患難。若平常不爲動。被服布素。雖貴不易。蔡念成稱燔心事有如秋月。入仕四十二年。在官不過七考。居家講道。學者宗之。與黃幹齊名。稱曰黃李。

論曰。朱子之帥長沙。降其洞獠。燔在江西。治蹟相類。洞獠猶可以逆順禍福服。況於身爲赤子。乃祖乃父累世宅爾宅而畋爾田者哉。雖鴟義姦宄之徒。世不